



## პენტარქიიდან დიპტიქამდე

**პენტარქიიდან დიპტიქამდე**

**როგორ ყალიბდებოდა მართლმადიდებელი ეკლესიების «პატივის წესრიგი»**

### როგორ ყალიბდებოდა მართლმადიდებელი ეკლესიების „პატივის წესრიგი“

ავტორი: ისტორიის მეცნიერებათა კანდიდატი, დოცენტი პავლე კუზნეცოვი

მართლმადიდებელ ეკლესიაში ერთადერთ ქეშმარიტ მეთაურად აღიარებულია უფალი იესო ქრისტე, რომელსაც მიეცა ყოველი ზელმნიფებაჲ ცათა შინა და ქუეყანასა ზედა (მთ. 28:18); და თუკი კათოლიკებთან რომის პაპი ფლობს „სრულ, უმაღლეს და მსოფლიო ხელმნიფებას ეკლესიაზე“ (კათოლიკური ეკლესიის კატეხიზმო, გვ. 882), მათგან განსხვავებით, მართლმადიდებლურ ტრადიციაში ადგილობრივი ავტოკეფალური ეკლესიების მეთაურები თავიანთი მღვდელთმთავრული ღირსებით თანასწორნი არიან. თუმცა მათ შორის არსებობს პატივის მიგების გარკვეული წესი, რომლის მიხედვითაც საღვთისმსახურო დიპტიქებში განისაზღვრება მათი მოხსენიების რიგითობა. საინტერესოა, როგორ ყალიბდებოდა ეს საუკუნოვანი ტრადიცია?

### ქრისტე და მოციქულები ეკლესიაში პირველობის შესახებ

მხარებლების თანახმად, უფალი არ გამოყოფდა მოციქულთა შორის რომელიმე „ლიდერს“, რომელსაც განსაკუთრებული უფლებები ექნებოდა სხვებზე. უფრო მეტიც, იესო ქრისტე მკაცრად კრძალავდა მონაფეთა მცდელობებს, გაერკვიათ, თუ ვინ ფლობდა მათ შორის უპირატესობას (ლკ. 22:24-30; მთ.



18:1-2), და ამასთან დაკავშირებით მათ უთხრა: უდიდესი თქვენს შორის იყოს როგორც უმცირესი, და წინამძღვარი - როგორც მსახური (ლკ. 22:26; შდრ. მთ. 23:11-12). რის შემდეგაც თავად მისცა ხელისუფლების ამ უფრეულო გაგების მაგალითი, როდესაც საიდუმლო სერობაზე მოციქულებს ფეხები დაბანა. სისტემა, რომელშიც რაც უფრო მაღალი თანამდებობისაა უფროსი, მით უფრო მეტ დაქვემდებარებულს ემსახურება, წარმართებისთვის გაუგებარი იყო; და მართლაც, „ამა ქვეყნის“ პირობებში ეს წარმოუდგენელია. მაგრამ ქრისტეს ეკლესიაში აგერ უკვე ორი ათასი წელია სიყვარულის ეს პრინციპი სუფევს – სრულიად საპირისპირო იმ დამოკიდებულებისა, როგორც საერო ხელისუფლებას ჰქონდა თავის მოქალაქეებთან: ძალასა და ამპარტავენებაზეა დაფუძნებული. საეკლესიო ხელისუფლების იდეალი ბიბლიური კეთილი მწყემსია, სიცოცხლეს რომ გასწირავს მასზე დაქვემდებარებულთათვის (ინ. 10:11-16; შდრ.: ეს. 40:11 და სხვ.).



ქრისტე – მწყემსი კეთილი.  
გალა პლაციდიას მავზოლეუმის მოზაიკა (რავენა, მე- VI ს.)

გალა პლაციდიას მავზოლეუმი  
(რავენა, მე- V ს.-ს მეორე მეოთხედი)

## იერარქიის დაბადება

ეპისკოპოსის (ბუკვ. „ზედამხედველი, მასურებელი“) და დიაკონის (ბუკვ. „მომსახურე“) საეკლესიო მსახურებებს უკვე პავლე მოციქული მოიხსენიებს (1 ტიმ. 3). თავიდან ეპისკოპოსი თითქმის არ განსხვავდებოდა მღვდლებისგან („ხუცესებისგან“), რომლებიც მოციქულთა ეპოქაში თემებს ხელმძღვანელობდნენ (საქ. 15:23, 16:4 და სხვ.). II ს.-დან ეპისკოპოსებმა მიიღეს „შეკვრისა და გახსნის“ სამუდამო ხელისუფლება, მეთაურობდნენ ექვარისტულ შეკრებებს და როგორც მოციქულის მემკვიდრენი, მორწმუნეებს განსწავლიდნენ და ლოცვებში წინამძღვრობდნენ. რომის – იმპერიის დედაქალაქისა და ყველზე ავტორიტეტული მოციქულების, პეტრესა და პავლეს, დაკრძალვის ადგილის – ეპისკოპოსი განსაკუთრებულ შესაძლებლობებს ფლობდა. ჯერ კიდევ II ს.-ში იგი ითვლებოდა ყველაზე გავლენიან ეპისკოპოსად როგორც რომის იმპერიაში, ისე მის საზღვრებს გარეთაც.





## მოციქულები პეტრე და პავლე. გალა პლაციადის მავზოლეუმი (რავენა, მე- V I ს.)

### კრება და კრებსითობა

III საუკუნისთვის უკვე დაიწყო რომის სხვადასხვა პროვინციაში (ბერძ. „ეპარქია“) შემავალი ქალაქების ეპისკოპოსთა შეკრებების (კრებების) ორგანიზება, რომელსაც მთავარი ქალაქის – მიტროპოლიის ეპისკოპოსი თავმჯდომარეობდა. მთავარი ეპისკოპოსი (მიტროპოლიტი) ვალდებული იყო თავისი პროვინციის ეპისკოპოსებისთვისაც ეკითხა რჩევა და ამა თუ პრობლემურ საკითხზე მათთან ერთად ემსჯელა. ისინი კი, თავის მხრივ, ვალდებულნი იყვნენ, პატივი მიეგოთ მისთვის, როგორც მეთაურისთვის. ამასთან, თავიანთ ოლქებში ეპისკოპოსები სრულუფლებიან მეუფეებად რჩებოდნენ (მოც. 34-ე კან.; ანტიოქიის კრების მე-9 კან.). 325 წ. პირველმა ქრისტიანმა იმპერატორმა კონსტანტინე დიდმა ნიკეაში



თავისი მმართველობის იუბილეზე ეპისკოპოსები მიიწვია. ამ შეკრებას მოჰყვა ეპისკოპატის საგანგებო ყრილობების მთელი რიგი, რომლებსაც სახელმწიფო ხელისუფლება იწვევდა საეკლესიო უთანხმოების დასარეგულირებლად. IV-VII საუკუნეებში ჩატარებულმა შვიდმა მსოფლიო კრებამ ჩამოაყალიბა მართლმადიდებლობის დოგმატური და კანონიკური საფუძვლები (ორთოდოქსია, კათოლიკობა).



კონსტანტინე I დიდი  
(234-337 წწ.)

პირველი მსოფლიო  
კრება ნიკეაში (325 წ.)

შვიდი მსოფლიო კრება,  
შესაქმითა და 12 მოციქულის  
კრებით (ხატი, მე- XIX ს.)

ვინაიდან მსოფლიო კრებებზე ეპისკოპატი მთელი იმპერიიდან იკრიბებოდა, ამიტომ შეიქმნა მოთხოვნილება იმისა, რომ უმაღლეს სასულიერო პირებს შორის დანესებულიყო ცერემონიალური იერარქია. თავდაპირველად ეპისკოპოსის სტატუსი მის პიროვნულ ავტორიტეტზე იყო დამოკიდებული. მაგრამ უკვე 325 წ. ნიკეაში დადგინდა შემდეგი (პირველი მსოფ. კრების მე-6 კან.):

*დაცული იქნეს უძველესი ჩვეულება, რომელიც მიღებული იყო ეგვიპტეში, ლიბიასა და პენტაპოლისში, რომლის თანახმადაც, ალექსანდრიელი ეპისკოპოსი ყველა მათგანის ხელისუფალი იყო, რამეთუ რომის ეპისკოპოსისთვისაც ასეა დადგენილი. მსგავსადვე, ანტიოქიასა და სხვა სამთავროებშიც შენარჩუნდეს დედა ეკლესიათა უპირატესობა.*

შემდგომში სწორედ ამ კანონს იმონებდნენ პაპები ე.წ. პრიმატზე (პირველობაზე) საკუთარი პრეტენზიების საბუთად. საინტერესოა, რომ უკვე ძველ ლათინურ ვერსიებში ეს კანონი იწყება სიტყვებით, რომლებსაც ვერ ვხედავთ ბერძნულ ორიგინალში: „რომის კათედრას პრიმატი ყოველთვის ჰქონდა“. მაგრამ ფაქტიურად კანონი ლაპარაკობს უმსხვილესი ქალაქების მღვდელთმთავართა უფლებების აღიარებაზე პროვინციების ეპისკოპოსებთან მიმართებით.



საეკლესიო კათედრები მე- IV ს.-ს დასაწყისში



II მსოფლიო კრება (მე-IX ს.-ს მინიატურა გრიგოლ დვთისმეტყველის თხზულებებისთვის)

## ორი რომი

330 წელს კონსტანტინეპოლის დაარსება გამონწვევად იქცა მანამდელი პოლიტიკური და ეკლესიური ტრადიციებისათვის, სადაც რომს კონკურენტი არ ჰყავდა და ვერც ეყოლებოდა. „მარადიული ქალაქი“ განიხილებოდა არა უბრალოდ როგორც რომის „სუპერნაციის“ სიმძლავრის სიმბოლო, არამედ, ასევე, როგორც საკრალური გარანტი თვით სამყაროს არსებობისა. სხვათა შორის, ქრისტიანი მწერლებიც აღიარებდნენ, რომ რომის დასუსტება მსოფლიო კატასტროფას გამოიწვევდა. და აი, აღმოსავლეთში დაარსდა ახალი რომი, სადაც თავად იმპერატორმაც გადაინაცვლა. ახალი დედაქალაქის წარმოშობამ თავისთავად მოითხოვა, საეკლესიო კათედრების „უპირატესობების“ ნიკეაში დაფიქსირებული სისტემის გადახედვა. პატარა ქალაქის, ბიზანტიის, ეპისკოპოსი, რომლის ადგილზეც კონსტანტინე დიდმა ახალი რომი ააშენა, თრაკიის პროვინციის რიგითი მღვდელთმთავარი იყო და მისი დედაქალაქი ჰერაკლიის მიტროპოლიტს ექვემდებარებოდა. მაგრამ ეს სტატუსი არანაირად არ შეეფერებოდა იმპერიის დედაქალაქს, რომელიც სწაფად გადაიქცა მეგაპოლისად. ამიტომ კონსტანტინეპოლში II მსოფლიო კრებაზე (381 წ.) მიიღეს შემდეგი (მე-3) კანონი:

*კონსტანტინეპოლის ეპისკოპოსებს მიენიჭოთ რომის ეპისკოპოსის თანაბარი პატივის უპირატესობა, რადგან ეს ქალაქი ახალი რომია.*

ახალი რომი ძველ რომთან იქნა გათანაბრებული არა მხოლოდ პოლიტიკურად, არამედ ეკლესიური სტატუსითაც. თუმცა მის მიერ მიღებული „პატივის უპირატესობის“ ხასიათი განერილი არ ყოფილა, რამაც კონფლიქტების მთელი სერია გამოიწვია. კონსტანტინეპოლის ეპისკოპოსებს საკუთარი პროვინციები არ ჰქონდათ, ამიტომ დაინყეს საკუთარი ავტორიტეტის იმდენად შორს გავრცელება,



რამდენადაც მათ ამის საშუალებას გარემოება აძლევდა, რაც მეზობელი მიტროპოლიტების პროტესტს იწვევდა. განსაკუთრებით მწვავე იყო ეფესოს – მცირე აზიის მეგაპოლისის რეაქცია, რომელიც წმინდა იოანე ღვთისმეტყველის კათედრის სტატუსით ამაყობდა.



## მარკოზ მახარებელი, XIII ს. ბიზანტიური მინიატურა

დასავლეთში II კრება მსოფლიოდ მაშინვე არ უღიარებათ და ზემომოყვანილი კანონი პაპების მხრიდან იგნორირებული იყო. ისინი კვლავ ნიკეის კანონში მოხსენიებულ სამ საყდარს აღიარებდნენ მთავარ კათედრებად: რომის, ალექსანდრიისა და ანტიოქიისას. აქ როლი ითამაშა რომის ცნობიერებისათვის დამახასიათებელმა ორიენტაციამ ძველ ჩვეულებაზე, და ტენდენციამ იმისა, რომ ამა თუ იმ კათედრის ავტორიტეტი განისაზღვრებოდა მოციქულებთან კავშირით. რომის ეკლესიას უკავშირებდნენ წმინდა პეტრესა და წმინდა პავლეს სახელებს; ანტიოქიაში ასევე მოღვაწეობდნენ ეს თავნი მოციქულთანი;



ალექსანდრიის საყდარი კი პეტრე მოციქულის მონაფის, წმინდა მარკოზის დაარსებული იყო. ამ ფონზე რითი შეეძლო ბიზანტიას ეამაყა, რომელსაც სულ ახლახან უმნიშვნელო ქალაქად იცნობდნენ? მხოლოდ რამდენიმე საუკუნის შემდეგ გამოჩნდა გადმოცემა, რომ აქ იქადაგა ანდრია მოციქულმა, რაც კონსტანტინეპოლს სამოციქულო კათედრის სტატუსს ანიჭებდა, თანაც პირველწოდებული მოციქულის, წინდა პეტრეს უფროსი ძმის მიერ დაარსებულს.



დიონისე. IV მსოფლიო კრება.  
ღვთისმშობლის შობის კრება.  
ფერაპონტეს მონასტერი, რუსეთი, 1502 წ.



IV მსოფლიო კრება.  
ბიზანტური მინიატურა

## ქალკედონის 28-ე კანონი და კონსტანტინეპოლის იურისდიქცია

კონსტანტინეპოლის საეკლესიო წონის უარყოფა შეუძლებელი იყო, მით უმეტეს მას შემდეგ, რაც 395 წელს რომის იმპერია საბოლოოდ გაიყო და მისი დასავლეთი ნაწილის დაცემისკენ მიდრეკა სულ უფრო შესამჩნევი გახდა. გარდა ამისა, საჭიროება მოითხოვდა, ახალი რომის კათედრის იურისდიქციის ფორმალური საზღვრების დადგენას, რათა მისი პატრიარქი (V ს.-დან მეთაური მღვდელთმთავრების წოდება) სხვის განსაგებელ ეპარქიაში არ შეჭრილიყო. ამიტომ 451 წელს ქალკედონში IV მსოფლიო კრებამ რამდენიმე მნიშვნელოვანი კანონი მიიღო, რომელთა შორის ყველაზე მნიშვნელოვანი 28-ე კანონია:

*მივყვებით რა ყველა საკითხში წმინდა მამათა განწესებებს, ვალიარებთ ამჟამად წაკითხულ კანონს ას ორმოცდაათ ღვთისსათნო ეპისკოპოსთაგან, რომლებიც კონსტანტინეპოლში, ახალ რომად წოდებულ ქალაქში იყვნენ შეკრებილნი ნეტარსენებული იმპერატორის, თეოდოსის ზეობისას; ჩვენც იგივეს განვაჩინებთ, და ვამტკიცებთ კონსტანტინეპოლის, ამ ახალი რომის წმინდა ეკლესიის უპირატესობას. რადგან, ძველი რომის საყდარს მამებმა სამართლიანად მიანიჭეს უპირატესობა, რამეთუ ის სამეფო*

ქალაქი იყო, იმავე აზრით აღძრულმა ას ორმოცდაათმა ღვთისსათნო ეპისკოპოსმაც მისი თანაბარი უპირატესობა მიანიჭა ახალი რომის წმინდა საყდარს, განსაზღვრეს რა სამართლიანად, რომ ქალაქი, რომელსაც პატივი ერგო ყოფილიყო მეფისა და სენატის ადგილსამყოფელი და ძველ სამეფო ქალაქ რომის თანასწორი უპირატესობა მიეღო, საეკლესიო საქმეებშიც მის მსგავსად განდიდდება და მის შემდეგ მეორე იქნება. მხოლოდ ამიტომ პონტოს, აზიისა და თრაკიის სამთავროების მიტროპოლიტები, ასევე აღნიშნული სამთავროების უცხოტომელთა ეპისკოპოსები, უნდა დადგინდნენ კონსტანტინეპოლის ეკლესიის წმინდა საყდრის მიერ; შესაბამისად, ზემოდასახელებული სამთავროების თითოეულმა მიტროპოლიტმა სამთავროს ეპისკოპოსებთან ერთად უნდა დაადგინონ ეპარქიის ეპისკოპოსები, როგორც ეს საღვთო კანონებით არის დაწესებული; ხოლო თავად მიტროპოლიტები, ზემოთ დასახელებული სამთავროებისა, როგორც უკვე ითქვა, კონსტანტინეპოლის მთავარეპისკოპოსის მიერ დგინდება, ოლონდ, ჩვეულებისამებრ, მისი გამორჩევა წინასწარ უნდა მოხდეს ერთსულოვნად და შემდეგ წარედგინოს მას ხელთდასხმისათვის.

ეს კანონები უაღრესად მნიშვნელოვანია, რადგან სწორედ მათზე დაყრდნობით შეეცდება უკვე XX საუკუნეში ზოგიერთი ღვთისმეტყველი კონსტანტინეპოლის (სტამბულის) მსოფლიო საეკლესიო იურისდიქციის თეორიის აგებას. მაგრამ საკმარისია, ყურადღებით წავიკითხოთ ეს ტექსტები, რომ დავრწმუნდეთ: არანაირ „მსოფლიო იურისდიქციაზე“ აქ საუბარი არ არის. პირიქით, კრების მამები ზღუდავენ კონსტანტინეპოლის მთავარეპისკოპოსის უფლებამოსილების საზღვრებს და უკუთვნებენ მას მხოლოდ სამი დიოცეზის (სამთავროს) მიტროპოლიტის დადგინების უფლებას, ასევე, უცხოტომელთა თემების ეპისკოპოსებისას ამავე დიოცეზებში. იმ ეპოქის რომის იმპერიაში მრავალი გერმანული დ სხვა წარმოშობის ტომები ცხოვრობდნენ, რომლებიც აქ დასახლებული იყვნენ მოკავშირეების (ფედერატების) უფლებებით. ისინი არ შედიოდნენ იმპერიის ადმინისტრაციულ სტრუქტურაში, ამიტომ მათი საეკლესიო სტრუქტურა განსაკუთრებულად ამისთვის გამოყოფილი ეპისკოპოსების მიერ იმართებოდა, რომლებიც უშუალოდ პატრიარქს ემორჩილებოდნენ.

ამრიგად, ქალკედონის 28-ე კანონმა გაათანაბრა ძველი რომი და ახალი რომი პრივილეგიებთან მიმართებით და ეკლესიური იურისდიქციის სფეროდ კონსტანტინეპოლს სამი დიოცეზი განუსაზღვრა – აზიის, პონტოსა და თრაკიის.






## ხუთი „მსოფლიო საპატრიარქო“

იმავე ქალკედონის კრებაზე მიღებულ იქნა კიდევ ერთი მნიშვნელოვანი გადაწყვეტილება. წმინდა ქალაქი იერუსალიმი საბოლოოდ იქნა გამოყოფილი განსაკუთრებულ საეკლესიო ოლქად. ასე ჩამოყალიბდა რომის იმპერიის მთავარი კათედრების ხუთეული, რომელთა წინამძღვრებსაც მიენიჭათ პატრიარქის ტიტული; ესენია: რომი, კონსტანტინეპოლი, ალექსანდრია, ანტიოქია, იერუსალიმი. მათი იურისდიქციის სფეროებს სრულიად სხვადასხვა დამოკიდებულება ჰქონდათ ადმინისტრაციულ დაყოფასთან: დაწყებული მთელი დასავლეთის იმპერიიდან და მასთან მიერთებული ილირიკის პრეფექტურიდან (რომის იურისდიქცია), დამთავრებული რამდენიმე მცირე პროვინციით (იერუსალიმის იურისდიქცია). თუმცა უზარმაზარი „დასავლეთის საპატრიარქო“ პირობითი ფიქცია იყო: V ს.-ში დასავლეთის რომის იმპერიამ არსებობა შეწყვიტა. ამის შემდეგ საეკლესიო სტრუქტურებზე რომის კონტროლი, რომელიც ბარბაროსული სამეფოების ნანგრევებზე წარმოიშვა, მოჩვენებითი გახდა. უფრო მეტიც, ლათინური აფრიკის ეკლესიამ პირდაპირ აკრძალა აპელაციები „ზღვის გაღმა“, ანუ რომში (კართაგენის კან.: 32, 37, 119, 139), ხოლო აკვილიის მთავარეპისკოპოსი (გრადო, ვენეცია) თავად ითხოვდა პატრიარქის ტიტულს.





იმპერატორი იუსტინიანე რომსა და კონსტანტინეპოლში აპელირებს, როგორც იმპერიის მთავარ საყდრებთან (533 წლის ედიქტი; 545 წლის 131-ე ნოველა), ხოლო კათოლიკე და სამოციქულო ეკლესიის სისავსე დაჰყავს ხუთი „მთელი მსოფლიო უწმინდეს პატრიარქამდე“ და მათზე დამორჩილებულ ეპისკოპოსებამდე (541 წლს 109-ე ნოველა). ამავე დროს კონსტანტინეპოლის მთავარეპისკოპოსის ტიტულატორში შეაქვთ „მსოფლიო პატრიარქის“ საპატიო სახელწოდება, რომელიც ხაზს უსვამდა ახალი რომის, როგორც მსოფლიოს („ოიკუმენე“, – ასე ზვიადად იწოდებოდა რომის იმპერია) ერთ-ერთ საპატრიარქოს, სტატუსს.

უნდა აღინიშნოს, რომ ეკლესიის გაყოფა ხუთ საპატრიარქოდ აბსოლუტური არ ყოფილა: ის არ ითვალისწინებდა არც კვიპროსის დამოუკიდებელ ეკლესიას, არც 545 წელს თვით იუსტინიანეს მიერ დაარსებულ განსაკუთრებულ სამთავარეპისკოპოსო კათედრას მის მშობლიურ იუსტინიანე პირველში, რომ არაფერი ვთქვათ იმპერიის საზღვრებს გარეთ მოქმედ ეკლესიებზე.



დიონისე V მსოფლიო კრება.  
 ღვთისმშობლის შობის ტაძარი.  
 თერაპონტეს მონასტერი,  
 რუსეთი, 1502 წ.



წინაოთხმოციკორა . იქვეაქრძალ . პრა  
 ალა . ი . მოვიწყობაქარნიცორკ  
 მოვანიპოსონჩენისრქანიწიცი მე  
 კონა მოაპოსონინესაქარქანაგო  
 ყრსაანაგოთსაქარანი . ივპოსა  
 სთონქოკორ . მადგრაქანიქრნიცი  
 ყრსანიქრანიქრნიანიქრანიქრანი .



ტრულის კრება, მატთანური  
 კრებულის წინა ყდის მინიატურა

**შუა საუკუნეების ბიზანტიის პენტრარქია**

ხუთი საპატრიარქო სისტემის საბოლოო კანონიკური გაფორმება 692 წელს მოხდა მეხუთე-მეექვსე (ტრულის) მსოფლიო კრებაზე. მის მიერ მიღებულ 36-ე კანონში ვკითხულობთ:

*ვალორძინებთ ამ ღვთივდაცულ და სამეუფეო ქალაქში შეკრებილი 150 და ქალკედონში შეკრებილი 630 წმინდა მამის მიერ სჯულდებულს და განვაჩინებთ: მიენიჭოს კონსტანტინეპოლის საყდარს რომის საყდრის თანაბარი უპირატესობა და მის შემდეგ მეორე, მსგავსადვე განიდიდოს საეკლესიო საქმეებში; ხოლო ამის შემდეგი ჩაითვალოს საყდარი დიდი ქალაქისა, ალექსანდრიისა, შემდეგ – ანტიოქიის საყდარი და მის შემდეგ ქალაქ იერუსალიმის საყდარი.*

„მთავარი საყდრების“ სხვა რიგითობა იყო მიღებული დასავლეთში. „კონსტანტინეს ნაბოძვარში“ (VIII ს.-ს ცნობილი ყალბი დოკუმენტი, რომელიც საერო ხელისუფლებაზე პაპის უფლებას ასაბუთებს), რომის შემდეგ მოხსენიებულია მასზე დაქვემდებარებული ალექსანდრია, ანტიოქია, იერუსალიმი და კონსტანტინეპოლი. ამ შუასაუკუნეებისეული სიყალბის ავტორი არ შეცბუნებულა იმით, რომ „ბრძანებულება“ დათარიღებულია 315 წლით, როცა კონსტანტინეპოლი საერთოდ პროექტშიც არ ყოფილა: მისთვის მთავარი იყო, ეს „საიდანდაც გამომხტარი“ „ბოლო ადგილზე დაეყენებინა. პაპები არაერთხელ უსვამდნენ ხაზს კონსტანტინეპოლის, როგორც საპატრიარქოს, მეორეხარისხოვან სტატუსს და აპროტესტებდნენ მისი „მსოფლიოობის“ ტიტულს, რომელიც მას ბიზანტიურ ეპოქაში მიენიჭა. VII საუკუნეში აღმოსავლეთის ყველა საკათედრო ქალაქი არაბებმა დაიპყრეს და კონსტანტინეპოლი იმპერიის ტერიტორიაზე ერთადერთ მსოფლიო საპატრიარქოდ დარჩა.



თუმცა სხვა პატრიარქებიც ძველებურად ითვლებოდნენ ერთი მსოფლიო ეკლესიის მთავარ ეპისკოპოსებად. მართალია, ბიზანტიელი მწერლების მიერ პენტარქია განიმარტებოდა როგორც ადამიანის ხუთი გრძნობის მსგავსი ორგანული საეკლესიო სისავსე, მაგრამ არასდროს გაიგებოდა ის, როგორც დახურული სიმრავლე. X–XIII საუკუნეებში გამოჩნდნენ დამოუკიდებელი ეკლესიები, რომლებიც მასში არ შედიოდნენ (ბოლგარეთის, სერბეთის). საინტერესოა, რომ XI საუკუნეში რომის განდგომას არ შეუცვლია კონცეფცია: თეოდორე ბალსამონი (XII ს.) და მათე ბლასტარი (XIV ს.) ლაპარაკობენ მსოფლიოს განაწილებაზე ხუთ საპატრიარქოს შორის, „მცირე ეკლესიების ჩაუთვლელად“.

## მოსკოვი რომის ნაცვლად

მას შემდეგ, რაც მოსკოვის მიტროპოლიტი იერემია II კონსტანტინეპოლელმა (1589 წ.) პატრიარქის რანგში აიყვანა, ხოლო აღმოსავლელ პატრიარქთა 1590 და 1593 წლის კრებებმა ეს გადამწყვეტილება დაამტკიცეს, მოხდა პენტარქიის ახალი გააზრება. მოსკოვისა და სრულიად რუსეთის წმინდა პატრიარქი იოზი ამის შესახებ შემდეგნაირად წერდა:

*პაპის ნაცვლად უხუცეს მამად ყოფნა მართებს უწმინდეს დიდ უფალ იერემიას, ახალი რომის – კონსტანტინეპოლის მთავარეპისკოპოსსა და მსოფლიო პატრიარქს, მის შემდეგ კი იყოს ოთხი პატრიარქი: ალექსანდრიის, ანტიოქიის, იერუსალიმისა და რუსეთის სამეფოს სამეფო ქალაქ მოსკოვის.*



კონსტანტინეპოლის პატრიარქი იერემია II ტრანოსი

პატრიარქი იოზი. მინიატურა «სამეფო ტიტულატორიდან», 1672 წ.


კონსტანტინეპოლის კრების სიგელი მოსკოვის საპატრიარქოს დაარსების შესახებ, 1590 წ.

1590 წლის კრებამ დაადგინა, რომ ამიერიდან კონსტანტინეპოლის პატრიარქი არის პირველი, მოსკოვის

პატრიარქი კი მეხუთე. ხოლო 1593 წლის კრებაზე განსაკუთრებით გაესვა ხაზი, რომ მოსკოვი საპატრიარქოდ გამოცხადდა რუსეთის პოლიტიკური სტატუსის პატივისცემით: „რადგან ეს ქვეყანა ღმერთმა მეფობის ღირს-ჰყო“.

ამრიგად, მოსკოვმა საპატრიარქო ღირსება მიიღო, როგორც მსოფლიოში ერთადერთმა მართლმადიდებელმა სამეფომ – ზუსტად ისევე, როგორც ეს თავის დროზე მოხდა კონსტანტინეპოლთან მიმართებით. მართალია, მასთან თანაბარ რანგში აყვანილი არ ყოფილა, მაგრამ პენტარქიაში ბოლო, მეხუთე ადგილი მიიღო.





## რუსეთში საპატრიარქოს დაარსების შესახებ კონსტანტინეპოლის კრების (1593 წ.) აქტის პირველი ფურცელი

ამ დროს ოთხი აღმოსავლელი პატრიარქი იმყოფებოდა ისლამური სამყაროს უმსხვილესი სახელმწიფოს – ოსმალეთის იმპერიის ტერიტორიაზე. ამასთან, კონსტანტინეპოლის პატრიარქს მთელი მართლმადიდებლური მილეთის უფლება (ხმა) ჰქონდა, რაც მას განსაკუთრებულ შესაძლებლობებს აძლევდა. თუმცა, როდესაც ფანარა (სტამბულის კვარტალი, სადაც პატრიარქის რეზიდენცია მდებარეობს) თანამოძმეთა კანონიკურ უფლებებს შეეხო ალექსანდრიაში, ანტიოქიასა და იერუსალიმში, მაშინვე მტკიცე წინააღმდეგობას ნააწყდა.

## კონსტანტინეპოლის ახალი პრეტენზიები და რუსეთის ეკლესიის პოზიცია

მას შემდეგ, რაც XX საუკუნეში თურქეთის სახელმწიფო წამოიშვა და მცირე აზიიდან ბერძენი მოსახლეობის დეპორტაცია მოხდა, კონსტანტინეპოლი რთულ მდგომარეობაში აღმოჩნდა. და აი, მაშინ მსოფლიო პატრიარქებმა გადანყვიტეს, ანტანტის დახმარებით თავისი საპატიო ტიტული „მსოფლიო პატრიარქის“ რეალურ სტატუსად ექციათ. ისარგებლეს რა რუსეთის ეკლესიის უმძიმესი მდგომარეობით (მიმდინარეობდა ქრისტიანების გაუგონარი დევნა), კონსტანტინეპოლი ცალმხრივად, არაკანონიკური გზით შეეცადა, თავისი „უმაღლესი ურისდიქციის“ ქვეშ მოექცია ადგილობრივი ეკლესიები, რომლებიც აღმოსავლეთ ევროპის ახალ ნაციონალურ სახელმწიფოებში წარმოიშვნენ. თავისებურად დაიწყო რა ქალკედონის 28-ე კანონის განმარტება, ფანარამ ყველა ის ხალხი ჩათვალა „უცხოტომელებად“, ვისაც არ გააჩნდა თავის ძველი მართლმადიდებელი ეკლესია, და ყველა მათგანზე საკუთარი ხელისუფლება გაავრცელა.



კონსტანტინეპოლის პატრიარქები არ დაკმაყოფილდნენ ტრადიციული კანონიკური სტატუსით – „პირველი თანასწორთა შორის“, და პრეტენზიები განაცხადეს შემდეგ ტიტულებზე: „მსოფლიო მთავარეპისკოპოსი“ და „პირველი თანასწორთა გარეშე“, – როგორც ეს გააჟღერა ამ კონცეფციის ერთ-ერთმა ადეპტმა, ამერიკის მთავარეპისკოპოსმა ელპიდოფორემ (ლამბრინიადისი).

ამ მიმართულებით მნიშვნელოვანი ნაბიჯი გახდა „წმინდა და დიდი მართლმადიდებლური კრების“ ორგანიზება და ჩატარება 2016 წელს კუნძულ კრეტაზე, – მიუხედავად რიგი მართლმადიდებელი ეკლესიების წინააღმდეგობისა. აღნიშნული კრება შეეცადა, წარმოედგინა კონსტანტინეპოლის მხრიდან „კოორდინატორის“ უფლება ყველა სხვა მართლმადიდებელ ეკლესიაზე. ამ „კოორდინაციის“ ხასიათზე კი შეიძლება ვიმსჯელოთ პატრიარქ ბართლომეოსის მოქმედებით უკრაინის არაკანონიკურ



მართლმადიდებელ ეკლესიასთან მიმართებით. ძველი კანონების გამთელავმა ამ მოქმედებებმა ერთ მართლმადიდებელ ეკლესიაში შეიტანეს და ახლაც განაგრძობენ შფოთის შეტანას.

რუსეთის მართლმადიდებელი ეკლესია მტკიცედ იცავს კრებითობის სამოციქულო პრინციპს და აღიარებს ყველა 15 ადგილობრივი ავტოკეფალური ეკლესიის წინამძღვართა კანონიკური უფლებების თანასწორობას, რომელთა რიცხვში შედიან: კონსტანტინეულის, ალექსანდრიის, ანტიოქიის, იერუსალიმის, რუსეთის, საქართველოს, სერბეთის, რუმინეთის, ბულგარეთის, კვიპროსის, ელადის, ალბანეთის, პოლონეთის, ჩეხეთის მინებისა და სლოვაკეთის, და ამერიკის ეკლესიები. ყველა ეს და-ეკლესია ქრისტეს ერთი კათოლიკე სამოციქულო ეკლესიის თანაბარუფლებიანი წევრია.

**სრულად** ნახვა

გაზიარება:

---

წყარო: <https://mospat.ru/ge/authors-analytics/59575/>